



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԼՈՌԻ Ի ՄԱՐԶ  
ԱՐՏՆԻ ՀԱՄԱՅՆՔԱԴԵՏԱՐԱՆ

Հայաստանի Հանրապետության Լոռու մարզի  
Արժնի համայնք, գ. Արժնի  
Հեռ. 093-01-82-88  
Էլ. Գրքով՝ artsni.lori@mta.gov.am

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԼՈՌԻ Ի ՄԱՐԶԻ Ա  
ՊԱՐՈՆ Ա. ԱՄԻՆՅԱՆԻ

Ձեզ եմ ներկայացնում Արժնի համայնքի սվազանու թիվ N31-Ա և N32-Ն  
որոշումները:

Ստորի 2 թերթ

Համայնքի ղեկավար

(ստորագրություն)

Խ.Խաչատրյան  
(անուն, սկզբանուն)

գ. Արժնի  
23.12.2016թ.





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԸՈՌՈՒ ՄԱՐԶԻ ԱՐԾՆ ԳՐԱԿԱՆԱԿԱՆ ԶԱՄԱՅՆՔԻ ԱՎԱԳԱՆԻ

Հայաստանի Հանրապետության Լոռու մարզի  
Արծնի համայնք, գ. Արծնի  
հեռ. 093-01-82-88

Ո Ր Ո Շ ՈՒ Մ

<<20>> ղեկավարների 2016 թվականի N 31-Ա

ԱՐԾՆԻ ԶԱՄԱՅՆՔԻ ՂԵԿԱՎԱՐՆԵՐՆ ԿԻՑ ԽՈՐՀՈՒՐԴ ԱՏԵՂՇԵԼՈՒ ՄԱՍԻՆ

Ղեկավարվելով <<Տեղական ինքնակառավարման մասին>> Հայաստանի Հանրապետության օրենքի 54.1-ին հոդվածով և <<Իրավական ակտերի մասին>> Հայաստանի Հանրապետության օրենքի 72-րդ հոդվածով՝

Արծնի համայնքի ավագանին որոշում է.

1. Մտեղծել Արծնի համայնքի ղեկավարին կից համայնքի զարգացման հնգամյա ծրագրի և տարեկան բյուջեի կառավարման (կազմման, հանրային քննարկման, իրականացման (կատարման) և վերանայման) խորհուրդ հետևյալ կազմով՝

- |                      |  |
|----------------------|--|
| 1. Քոթոյան Մարիաննա՝ | աջիատակազմի քարտուղար, խորհրդի նախագահ,          |
| 2. Էզնուտոսյան Խաչիկ | առաջատար մասնագետ, խորհրդի քարտուղար             |
| 3. Տոնականյան Աերզեյ | տվագանու անդամ, խորհրդի անդամ (համաձայնությունը) |
| 4. Քոթոյան Իրինա     | ավագանու անդամ, խորհրդի անդամ (համաձայնությամբ)  |
| 5. Ոսկանյան Դավիթ    | համայնքի բնակիչ, խորհրդի անդամ (համաձայնությամբ) |
| 6. Օսիպով Ստեփան     | համայնքի բնակիչ, խորհրդի անդամ (համաձայնությամբ) |
| 7. Հովհաննիսյան Միհր | համայնքի բնակիչ, խորհրդի անդամ (համաձայնությամբ) |
| 8. Խաչանեսյան Լիանա  | համայնքի բնակիչ, խորհրդի անդամ (համաձայնությամբ) |
| 9. Մուսաեյան Մամուկ  | համայնքի բնակիչ, խորհրդի անդամ (համաձայնությամբ) |
| 10. Օսիպովա Մոնյա    | համայնքի բնակիչ, խորհրդի անդամ (համաձայնությամբ) |

2. Ուժը կորցրած ճանաչել համայնքի ավագանու 2014թ. նոյեմբերի 19-ի Արծնի համայնքի ղեկավարին կից խորհուրդ ստեղծելու մասին N17-Ա որոշումը:

Համայնքի ավագանու անդամներ	Կողմ՝	Դեմ՝	Չեմնակախ՝
1 Մկրտումյան Վանյա			
2 Տոնականյան Աերզեյ			
3 Քնիթոյան Վերջարույս			
4 Քոթոյան Իրինա			

ՀԱՄԱՅՆՔԻ ՂԵԿԱՎԱՐ

Խ.Խաչանեսյան





ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԼՈՌԻԻ ՄԱՐԶ  
ԱՐՄՆԻ ՀԱՄԱՅՆՔԻ ԱՎԱԳԱՆԻ

Հայաստանի Հանրապետության Լոռու մարզի  
Արմնի համայնք, հասցե գ. Արմնի  
Հեռախոս 093 01-82-88  
Էլ. ֆոստ՝ artsni.lori@mta.gov.am

Ո Ր Ո Շ Ո Ւ Մ

<<23>> դեկտեմբերի 2016թ. №32-Ն

ԱՐՄՆԻ ՀԱՄԱՅՆՔԻ 2017-2021 ԹԳԱԿԱՆՆԵՐԻ ՀՆԳԱՄԱՍ  
ԶԱՐԳԱՑՄԱՆ ԾՐԱԳԻՐԸ ՀԱՍՏԱՏԵՆՈՒ ՄԱՍԻՆ

Ուկլամյան Էդրիկ <<Տեղական ինքնակառավարման մասին>> ՀՀ օրենքի  
16-րդ հոդվածի 2-րդ կետով և 53-րդ հոդվածով՝

Արմնի համայնքի ստեղծված ինքնաշարժ

1. Հաստատել Արմնի համայնքի 2017-2021 թվականների հնգամյա զարգացման  
ծրագիրը համաձայն հավելվածի:

Ավագանու անդամներ՝

Անուն, ազգանուն	Գողմ( )	Դեմ( )	Չեմնայտի( )
Մկրտումյան Վանյա	<i>Արմնի</i>		
Տոնակեանյան Մերգել	<i>Արմնի</i>		
Փնփոյան Արշալույս	<i>Արմնի</i>		
Քոթոյան Իրինա	<i>Արմնի</i>		

Համայնքի ղեկավար



*Արմնի*  
Արմնի ղեկավար

Խոստատանկության  
(անուն, ազգանուն)

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԼՈՒՌԻ ՄԱՐԶ

ԱՐԾՆԻ ՀԱՄԱՅՆՔԻ

2017-2021 ԹՎԱԿԱՆՆԵՐԻ

ԶԱՐԳԱՑՄԱՆ ՀՆԳԱՄՅԱ

ԾՐԱԳԻՐ (ՀԶՔԾ)

Ներկայացվել է՝ համայնքի ղեկավար Խենգո Խաչանեայանի կողմից

Հաստատվել է՝ համայնքի ավագանու 23.12.2016թ թիվ 32 որոշմամբ  
(նիստի ամսաթիվը)

## Բովանդակություն

1. Համայնքի ղեկավարի ողջույնի խոսք .....	3
2. Համայնքի իրավիճակի նկարագրություն .....	4
2.1. Համայնքի ընդհանուր նկարագրություն .....	4
2.2. Համայնքի սոցիալ տնտեսական իրավիճակը .....	<b>Error! Bookmark not defined.</b>
2.3. Համայնքում իրականացվող ծրագրերը .....	8
2.4. Համայնքի ֆինանսական իրավիճակի նկարագրություն և ֆինանսական կանխատեսումները 9	
2.5. Զարգացման խոչընդոտներ և դժվարություններ .....	10
2.6. Համայնքի ուժեղ և թույլ կողմերի, հնարավորությունների և սպառնալիքների (ՈւԹՀՍ) վերլուծություն .....	12
3. Նպատակների սահմանում և գործողությունների պլանավորում .....	13
3.1. Համայնքի զարգացման տեսլական .....	13
3.2. Համայնքի զարգացման անմիջական նպատակներ .....	<b>Error! Bookmark not defined.</b>
4. ՀԶԾ ֆինանսավորում .....	17
5. ՀԶԾ մոնիթորինգ .....	20

## 1. Համայնքի ղեկավարի ողջույնի խոսք

Մի րոպե ողջունում եմ Արծնի համայնքի ազգաբնակչությանը և բոլոր նրանց ուժերը հետաքրքրված եմ Արծնի համայնքի անցուդարձով, կատարվող ծրագրերով, այս հնգամյա զարգացման ծրագրով նախատեսված ծրագրերի իրականացումով, որոնք վեր են հանվել բազմաթիվ քննարկումների ընթացքում:

Հուսով եմ, որ սատար կկանգնեք, որպեսզի կարողանանք իրականացնել մեր առջև դրված խնդիրները, համայնքը դարձնել բարեկեցիկ և զարգացած համայնք:

Ելնելով այն իրողությունից, որ համայնքը փոքր է իր բնակչության թվաքանակով և ֆինանսական կարողություններով, համայնքի ՏԻՄ-երն ի վիճակի չեն իրականացնել օրենքով իրենց վերապահված լիազորություններն ամբողջ ծավալով և բոլոր ոլորտներում: Այդ պատճառով սույն ՀԶԲԾ-ի բովանդակությունը պայմանավորված է համայնքի ռեսուրսային (մարդկային, գույքային, ֆինանսատնտեսական, տեխնիկական և այլ) հնարավորություններով, համայնքային ծրագրերի իրականացման և ծառայությունների մատուցման համար անհրաժեշտ ֆինանսական միջոցների և ենթակառուցվածքների առկայությամբ՝ հիմք ընդունելով համայնքի նորընտիր ղեկավարի և ավագանու անդամների նախընտրական ծրագրերի դրույթները և նպատակ ունենալով հետևողականորեն բարեփոխումներ անցկացնելու ճանապարհով աստիճանաբար բարելավել համայնքի բնակչության սոցիալ-տնտեսական պայմանները:

Հայաստանի Հանրապետության Լոռու մարզի Արծնի համայնքի 2017-2021թթ. զարգացման ծրագրի ընդունման նպատակն է սահմանել համայնքի տեսլականը 2021 թվականին, այդ տեսլականին հասնելու ռազմավարությունը և հիմնական նպատակները: Համայնքի զարգացման ծրագիրը մշակելիս հաշվի են առնվել համայնքի առկա ռեսուրսները (ակտիվները), պարտավորությունները, տեղական առանձնահատկությունները, երկրի տնտեսական և քաղաքական առկա իրավիճակը, ինչպես նաև առաջիկա զարգացումների կանխատեսումները:

Համայնքի զարգացման ծրագիրն իր մեջ ներառում է՝ համայնքի իրավիճակի բնութագիրը, վերլուծությունը և գնահատումը, համայնքի տեսլականը, ռազմավարության և ՀԶԾ-ի հիմնական նպատակների սահմանումը, նախատեսվող հանրապետական և մարզային, միջհամայնքային համագործակցության և այլ ծրագրերը, ֆինանսական իրավիճակի վերլուծությունը, գնահատումը և կանխատեսումը, ոլորտային ծրագրերը, գույքի կառավարման ծրագիրը, զարգացման ծրագրի մոնիթորինգը:

Համայնքի հիմնական խնդիրներն են՝ համայնքի բնակչության մի մասը գտնվում են սոցիալապես վատ պայմաններում, համայնքում առկա է զանազան հիվանդությունների վտանգ, գյուղացիները գտնվում են սոցիալապես վատ պայմաններում, տեղի է ունենում արտագաղթ, քանի որ՝

ա/ հաճախակի են լինում երաշտի տարիներ, որից գյուղացիները կորցնում են բերքի մեծ մասը,

բ/ նրանք բավարարված չեն ոռոգման ջրով, իսկ նրանց ապրուստի հիմնական միջոցն ստացվում է բանջարա-բոստանային մշակաբույսերից,

գ/ Գործազրկության պատճառով երիտասարդները մեկնում են արտագնա աշխատանքների կամ հաստատվում են այնտեղ:

Համայնքում առկա է զանազան հիվանդությունների վտանգ, քանի որ`

ա/ կենցաղային աղբահեռացում չի կատարվում:

ՀՀ Լոռու մարզի Արծնի գյուղական համայնքի 2017-21թթ. զարգացման քառամյա ծրագիրը (ՀԶՔԾ) մշակվել է` հիմք ընդունելով <Տեղական ինքնակառավարման մասին> ՀՀ օրենքով սահմանված` տեղական ինքնակառավարման մարմինների (ՏԻՄ-երի) իրավասություններն ու լիազորությունները նրանց գործունեության բնագավառներում (ոլորտներում), ՀԶՔԾ-ի մշակման մեթոդաբանական առանձնահատկությունները և ծրագրային հիմքերը:

## 2 Համայնքի իրավիճակի նկարագրություն

### Համայնքի ընդհանուր նկարագրություն

Արծնի համայնքը վերաբնակեցվել է 1988թ .դեկտեմբեր ամսից, Աղբբեջանի Հանրապետության տարբեր շրջաններից բռնի գաղթած փախստականներով և Վրաստանի Հանրապետության տարբեր շրջաններից եկած մարդկանցով:

Գյուղը նախկինում եղել է աղբբեջանաբնակ, դրա վառ ապացույցն այն է ,որ գյուղը չունի ոչ մի եկեղեցական շինություն:

Գյուղը ծայրամասային է, լեռնային, չորս կողմից շրջապատված է լեռներով, գտնվում է ծովի մակերևույթից 1630-1700 մ բարձրության վրա:

Համայնքի վարչական տարածքը կազմում է 561.4 հա, հեռավորությունը մայրաքաղաքից` 200 կմ, մարզկենտրոնից` 65 կմ, տարածաշրջանային կենտրոնից` 15 կմ: Համայնքն իր վարչական սահմաններով սահմանակից է Ապավեն , Նորաշեն ու Սարչապետ գյուղական համայնքներին:

2005 թ կառավարության որոշմամբ` համարվել է սահմանամերձ:

Արծնի համայնքի օղը կազդուրիչ է ու առողջարար, բուսականությունը` լեռնային: Համայնքի տարածքը գտնվում է կլիմայական ցուրտ գոտում: Ձմեռը ցուրտ է, կայուն և երկարատև ձյան ծածկույթն սկսվում է նոյեմբերի վերջից և վերջանում ապրիլի 2-րդ տասնօրյակում: Գարունը երկարատև է ու ցուրտ: Ցրտահարությունները միջին տվյալներով վերջանում են մայիսի 2-րդ կեսից: Ամառը կարճ է, զով

ու չոր: Աշունը սառն է, առաջին կեսում գերակշռում է քիչ ամպամած ու տաք եղանակը, երկրորդ կեսը փոփոխական է: Աշնանային ցրտահարություններն սկսվում են սեպտեմբերի վերջին և հոկտեմբերի սկզբին: Հաճախ են լինում երաշտի տարիներ, որից տուժում են գյուղատնտեսությամբ զբաղվող գյուղացիները: Գյուղացիներն զբաղվում էին անասնաբուծությամբ, հողագործությամբ:

Համայնքում գործում է միջնակարգ հանրակրթական դպրոց, որը սպասարկում է Ապավեն և Արծնի համայնքների սովորողներին: Դպրոցում սովորում է 59 աշակերտ: Համայնքից աստիճանական արտագաղթն իր բացասական ազդեցությունն է թողնում համայնքի դպրոցի աշակերտների թվի վրա, որը վերջին տարիներին անընդհատ նվազում է: Դպրոցում աշխատում է 18 աշխատող, որոնցից 11-ը մանկավարժ են:

2010 թվականին Հայաստանի Համահայկական Հիմնադրամի կողմից դպրոցի շենքը հիմնականում վերանորոգվել է և ներկայում գտնվում է լավ վիճակում: Ձմռանը դպրոցի շենքը ջեռուցվում է էլեկտրոնական ջեռուցիչներով, ապահովված է ջրամատակարարմամբ, գույքով, երեխաներին անհրաժեշտ պարագաներով:

Համայնքի միջնակարգ դպրոցում գործում է ֆուտբոլի դաշտը, որից, բացի դպրոցի աշակերտներից, օգտվում են նաև համայնքի երիտասարդները

Համայնքում գործում է բուժկետ՝ Տաշիր քաղաքի առողջության կենտրոնի մասնաճյուղը, որտեղ աշխատում է 1 բուժքույր: Բուժկետը տեղակայված է համայնքապետարանի շենքում, բարվոք վիճակում է, ապահովված է առաջին բուժօգնության պարագաներով և դեղորայքով:

Մշակույթի տուն չունենալու պատճառով երիտասարդությունը չի կարողանում իր ուրույն կապը պահել և զբաղվել մշակույթով: Մշակույթի տան բացակայությունն իր բացասական ազդեցությունն է թողնում նաև երիտասարդների հետ տարվող աշխատանքներում:

Համայնքի գրադարանը 2002 թվականին տեղափոխվել է համայնքի միջնակարգ դպրոց՝ 1130 կտոր գրքային ֆոնդով: Այդ գրադարանի պայմանները նույնպես բավարար են:

Համայնքում չկան բնակչության հոգևոր կարիքները հոգալու համար նախատեսված վայրեր՝ եկեղեցի. մատուռ:

Համայնքի բնակիչները ապահովված են խմելու ջրով:

2012 թվականին Մարչապետ գյուղից մինչև Արծնի գյուղ անցկացվել է գազատար: Համայնքի բնակչությունը առայժմ կապույտ վառելիքից է օգտվում: Համայնքի ամբողջական գազաֆիկացումը մեծապես նպաստել է բնակչության կենցաղային խնդիրների լուծմանը, ինչպես նաև փրկում է համայնքի անտառային ֆոնդը ոչնչացումից:

Ներհամայնքային փողոցների և ճանապարհների ընդհանուր երկարությունը կազմում է 10.5 կմ, որից մայրուղուց մինչև գյուղի վարչական սահմաններ 3 կմ-ոց ճանապարհը վերանորոգվել է 2015 թվականին համայնքապետարանի կողմից՝ կատարելով հիմնականում



հողային և խճապատման աշխատանքներ, սակայն այդ ճանապարհը ասֆալտապատ չէ: Մնացած 7.5 կմ-ոց մասը կազմում են ներհամայնքային փողոցները, որոնք կարիք ունեն լուրջ վերանորոգման ու բարեկարգման: Ներհամայնքային ճանապարհները և փողոցները չունեն ջրահեռացման հեղեղատներ, արտաքին (գիշերային) լուսավորության համակարգ:

Համայնքից մինչև մոտակա շուկա (քաղաք Տաշիր) ճանապարհի երկարությունը կազմում է մոտ 15 կմ, որից 3 կմ մինչև մոտակա Նորաշեն համայնք խճապատ է, կարիք ունի ասֆալտապատման: Ներկայում համայնքի բնակչությունը հիմնականում օգտվում է Վանաձոր և Տաշիր քաղաքների շուկաներից՝ չնայած տրանսպորտային առկա դժվարություններին:

Համայնքի տարածքում կա նաև 3 փոքր կամրջակ, որոնք գտնվում են համայնքով անցնող գետակի վրա:

## 2.2 Համայնքում սոցիալ տնտեսական իրավիճակը

Համայնքի բնակչության թիվը կազմում է 298 մարդ, այդ թվում տղամարդիկ՝ 139 և կանայք՝ 159: Բնակչության տարիքային և սոցիալական կազմն այսպիսին է՝

- երեխաներ՝ 0-6 տարեկան ----- 39 մարդ
- դպրոցականներ՝ 7-17 տարեկան ----- 63 մարդ
- 18-62 տարեկան – -----178մարդ
- 63 և բարձր ----- 19 մարդ
- Թոշակառուներ----- 27մարդ
- հաշմանդամներ - -----12 մարդ
- միակողմանի ծնողազուրկ երեխաներ -----1 մարդ
- աշխատունակներ -----158մարդ
- զբաղվածներ -----70 մարդ
- գործազուրկներ -----135 մարդ,
- տնային տնտեսությունների թիվը ----- 80
- նպաստառու ընտանիքների թիվը – -----18

Համայնքում կան 158 աշխատունակ մարդիկ, որոնցից մշտական աշխատանքով (այդ թվում՝ գյուղատնտեսական) զբաղված են միայն 50%-ը, մնացածը աշխատանք չունեն, սակայն վերջիններից միայն 2-ն են գրանցված Տաշիրի տարածաշրջանային զբաղվածության կենտրոնում որպես գործազուրկներ, քանի որ համայնքի բնակիչները հիմնականում հողերի սեփականատերեր են և, ՀՀ օրենսդրության համաձայն, չեն կարող համարվել գործազուրկ:

Համայնքի մոտ 80 ընտանիքներից 20-ը հաշվառված են ընտանեկան նպաստի պետական համակարգում: Համայնքում բնակվում են նաև 12 հաշմանդամ և միակողմանի ծնողագուրկ 1 երեխա:

Համայնքում չկա գյուղատնտեսական նշանակության հողերի ոռոգման համակարգ, այդ պատճառով համայնքի բնակչությունը հողագործությունից մեծ եկամուտներ չի կարողանում ստանալ: Համայնքում ավելի զարգացած է անասնապահության ճյուղը: Սակայն, դրա հետագա զարգացման համար համայնքում խոտհարքների տարածքները չեն բավականացնում, այդ պատճառով համայնքի վարելահողերն աստիճանաբար վերածվում են խոտհարքների :

2016թ. հունվարի 1-ի դրությամբ, համայնքի խոշոր եղջերավոր անասունների քանակը կազմել է 357, այդ թվում կով` 191, իսկ մանր եղջերավոր անասունների քանակը` ոչխար` 86: Համայնքի գրեթե յուրաքանչյուր տնային տնտեսություն պահում է նաև որոշ քանակության թռչուններ, առավելապես` հավեր` հիմնականում սեփական կարիքների բավարարման համար:

Համայնքում անասնապահությամբ, թռչնապահությամբ և զբաղվողներն արտադրում են կաթ, միս, բուրդ, ձու, : Համայնքի բնակիչներն իրենց տնամերձերում աճեցնում են նաև կարտոֆիլ, բանջարաբուստանային կուլտուրաներ` հիմնականում սեփական կարիքների բավարարման համար:

Աղյուսակում բերված են համայնքի հիմնական գյուղատնտեսական արտադրանքը և ծավալները 2016թ.

Գյուղատնտեսական արտադրանքի տեսակը	Ցանքատարածության չափը	Արտադրանքի քանակը
կարտոֆիլ	9հա	10տ
կաղամբ	0.20հա	10տ
բանջարեղեն	1հա	4տ
միս		5տ
կաթ		325
բուրդ		0.2տ
ձու		<b>167 000հատ</b>

Անասունների տեսակը	Գլխաքանակը
Խոշոր եղջերավոր անասուններ	357
Այդ թվում կովեր	191
Մանր եղջերավոր անասուններ	86
Այդ թվում մայրեր	59
խոզեր	53
Այդ թվում մայրեր	6
թռչուններ	668
Այդ թվում հավեր	558
ավանակ	3

Վերջին 2-3 տարիների ընթացքում նկատվել է որոշակի դրական տեղաշարժ համայնքի ՏԻՄ-երի և բնակչության փոխհարաբերություններում, ՏԻՄ-երի գործունեությունը դարձել է համեմատաբար թափանցիկ և հրապարակային, որը զգալիորեն նպաստում է համայնքի բնակչության իրազեկվածությանը ՏԻՄ-երի ընդունած որոշումներին և կատարած աշխատանքներին: Մյուս կողմից, համայնքի բնակիչները սկսել են բավականին ակտիվորեն մասնակցել ՏԻՄ-երի կողմից կազմակերպված հասարակական հանրագուտ աշխատանքներին, հանրային հանդիպումներին ու միջոցառումներին: Համայնքի ավագանու կողմից առայժմ չի ընդունվել տեղական ինքնակառավարմանը բնակիչների մասնակցության կարգը, համայնքը չունի տեղեկատվության տարածման ժամանակակից միջոցներ (թերթ, համացանցային կայք, տեղական հեռուստատեսություն և այլն), սակայն համայնքապետարանում գործող հայտարարության տախտակի վրա փակցվում է ցանկացած տեղեկատվություն, որպեսզի հասանելի լինի յուրաքանչյուր անձին:

### **2.3 Համայնքում իրականացվող ծրագրերը**

Համայնքում պետության կողմից ներդրումներ ապահովելու նպատակով, նախատեսվում է սերտ համագործակցություն ՀՀ Լոռու մարզպետարանի կառուցվածքային և առանձնացված ստորաբաժանումների հետ: Որպես պետական կառավարման մարմինների հետ համայնքի համագործակցության հիմնական ուղղություններ, 2017-21թթ. նախատեսվում են հետևյալ հանրապետական և մարզային ծրագրերն ու միջոցառումները՝

- **Համայնքում մանկապարտեզի և մշակույթի շենքի կառուցում**
- **Ներհամայնքային ճանապարհների և փողոցների նորոգում և բարեկարգում**
  - **Ներհամայնքային ճանապարհների և փողոցների արտաքին լուսավորության համակարգի անցկացում**

2017-21թթ. ընթացքում Հայաստանում ծրագրվող վարչատարածքային բարեփոխումների և/կամ միջհամայնքային համագործակցության շրջանակներում՝ նախատեսվում են հետևյալ նպատակային ծրագրերը և միջոցառումները՝

- **ընդհանուր աղբավայրի կառուցում և շահագործում,**

- աղբահանության և սանիտարական մաքրման ծառայությունների կազմակերպում և մատուցում,
- ներհամայնքային ճանապարհների և փողոցների նորոգում և բարեկարգում,
- Տաշիր քաղաքի և մյուս բնակավայրերի միջև շուրջօրյա հասարակական տրանսպորտի ապահովում և շահագործում,
- այլ ծրագրեր և ծառայություններ:

## 2.4 Համայնքի ֆինանսական իրավիճակի նկարագրության և ֆինանսական կանխատեսումները

Համայնքի ֆինանսական իրավիճակի նկարագրություն և ֆինանսական կանխատեսումները

N	Եկամուտի տեսակը	2017	2018	2019	2020	2021
	Ընդամենը եկամուտներ	7600.0	8600.0			
Ա	Հարկային եկամուտներ					
1	Հողի հարկ	1317.2	1317.2	1317.2	1317.2	1317.2
2	Գույքահարկ	452.7	480.0	485.0	485.0	500.0
3	Եկամտահարկ					
4	Այլ հարկային եկամուտներ					
Բ	Տուրքեր	30.0	35.0	40.0	40.0	40.0
1	Պետական տուրքեր					
2	Տեղական տուրքեր	30.0	35.0	40.0	40.0	40.0
Գ	Ոչ հարկային եկամուտներ	331.0	331.0	335.0	335.0	335.0
1	Վարձավճարներ	331.3	331.3	335.0	335.0	335.0
3	Տեղական վճարներ					
4	Այլ ոչ հարկային եկամուտներ					
Դ	Դոտացիա	3500.0	3800.0	3800.0	4000.0	4000.0
Ե	Եկամուտներ կապիտալ գործառնություններից					
Զ	Տարեսկզբի ազատ մնացորդ					

Համայնքի ղեկավարի և աշխատակազմի աշխատողների (4 միավոր) միայն աշխատավարձի տարեկան գումարը կազմում է 4398.1 հազ. դրամ = 366.5 հազ. դրամ x 12 ամիս:

Այսպիսով, համայնքի տվյալ տարվա ֆոնդային բյուջեում կապիտալ ծախսերի չափն ուղղակիորեն կախված կլինի նրանից, թե որքան կկազմեն ընթացիկ ծախսերի ընդհանուր գումարն այդ տարվա վարչական բյուջեում և որքան գումար կմնա կապիտալ ծախսեր կատարելու համար:

## 2.5 Զարգացման խոչընդոտներ և դժվարություններ

Արձնի համայնքի առջև ծառայած ընդհանուր հիմնական խնդիրներն են՝

Համայնքի բնակչության 70%-ը գտնվում են սոցիալապես վատ պայմաններում: Համայնքում առկա է գանազան հիվանդությունների վտանգ: Համայնքի զարգացման հիմնական խոչընդոտող գործոններն ու դժվարությունները նշված են ստորև.

Գործարար միջավայրի բարելավմանը և ձեռնարկատիրության խթանմանը խոչընդոտող գործոններն են՝

- ֆինանսի բացակայությունը

Նախադպրոցական կրթության կազմակերպման խոչընդոտներն են՝

- ծնողական ներդրումների դժվարությունները
- ֆինանսական աղբյուրի բացակայությունը:

Երիտասարդության ներգրավմամբ ակտիվ մշակութային և մարզական կյանքի կազմակերպման խոչընդոտող գործոններն են՝

- մշակութային կյանքի պասիվությունը,
- մշակույթի շենքի բացակայությունը

Համայնքի բնակչության սոցիալական պաշտպանությանը խոչընդոտող գործոններ են՝

- գործազրկությունը,

Ֆիզիկական կուլտուրայի և առողջ ապրելակերպի խրախուսմանը խոչընդոտող գործոններն են՝

- մարզադահլիճ և մարզագույք չունենալը,

Համայնքի բնակավայրերի կառուցապատմանը, բարեկարգմանը և կանաչապատմանը, համայնքի աղբահանությանը և սանիտարական մաքրմանը, կոմունալ տնտեսության աշխատանքների

ապահովմանը, ինչպես նաև համայնքային գերեզմանատների պահպանմանը և գործունեության ապահովմանը խոչընդոտող գործոններն են՝

- միջոցների սղությունը,
- փողոցային լուսավորության բացակայությունը:

Համայնքի հասարակական տրանսպորտի աշխատանքի կազմակերպմանը, համայնքային ճանապարհային ենթակառուցվածքների պահպանմանը և շահագործմանը խոչընդոտող գործոններն են՝

- ֆինանսական դաշտը,
- միջհամայնքային և ներհամայնքային ճանապարհների անբարեկարգ վիճակը,
- հանրային տրանսպորտ չունենալը,
- կանգառների բացակայությունը,
- ճանապարհային նշանների բացակայությունը

Գյուղատնտեսության զարգացման խթանմանը խոչընդոտող գործոններն են՝

- ոռոգման ցանցի բացակայությունը,
- սպառման շուկայի դժվար հասանելիությունը,
- գլխավոր մայրուղուց հեռու լինելը:

Համայնքում շրջակա միջավայրի պահպանությանը խոչընդոտող գործոններն են՝

- հեղեղատարների բացակայությունը,
- աղբահեռացում չկազմակերպելը,

Համայնքի երիտասարդության խնդիրների լուծմանն ուղղված ծրագրերի և միջոցառումների կազմակերպմանը խոչընդոտող գործոններն են՝

- գործարար միջավայրի բացակայությունը,
- ձեռնարկությունների բացակայությունը,
- երիտասարդների միգրացիան,

Գյուղացիները գտնվում են սոցիալապես վատ պայմաններում, քանի որ՝

ա/ հաճախակի են լինում երաշտի տարիներ, որից գյուղացիները կորցնում են բերքի մեծ մասը,

բ/ նրանք բավարարված չեն ոռոգման ջրով, իսկ նրանց ապրուստ իհիմնական միջոցն ստացվում է քանջարա-բոստանային մշակաբույսերից,

գ/ հնարավորություն չունեն որակյալ սերմեր և վառելանյութ ձեռքբերելու,

դ/ գյուղացին համայնքի պրոբլեմները իր սեփականը չի համարում,

ե/ գյուղացին չի կարողանում իրացնել իր արտադրանքը,

զ/ գյուղացին չի կարողանում կատարել իր հարկային պարտավորությունները

է/ Գործազրկության պատճառով երիտասարդները մեկնում են արտագնա աշխատանքների:  
Համայնքում առկա է զանազան հիվանդությունների վտանգ, քանի որ`

ա/ խմելու ջրի մանրէազերծում և ֆիլտրում չի կատարվում,

բ/ վտանգ կա, որ կեղտաջրերը կարող են խառնվել խմելու ջրին,

գ/ ջուրը հավասարաչափ չի բաշխված, ուստի բնակչության մի մասը հաճախ գրկվում են ջրից,

դ/ կենցաղային աղբահեռացում չի կատարվում:

## 2.6 Համայնքի ուժեղ և թույլ կողմերի, հնարավորությունների և սպառնալիքների (ՈւԹՀՄ) վերլուծություն

<i>Համայնքի ուժեղ կողմեր</i>	<i>Համայնքի թույլ կողմեր</i>
<ul style="list-style-type: none"><li>• Համայնքի համեմատաբար բարենպաստ կլիման, գեղատեսիլ բնությունը</li><li>• Համայնքում միջնակարգ դպրոցի գործելը</li><li>• Համայնքում հեռախոսակապի և հեռուստատեսության առկայությունը</li><li>• Տեխնիկական ջրի ներհամայնքային համակարգի առկայությունը և համեմատաբար լավ վիճակը</li><li>• Համայնքը գազաֆիկացված է</li><li>• Համայնքապետարանի շենքը հիմնովին վերակառուցված է</li></ul>	<ul style="list-style-type: none"><li>• Ներհամայնքային ճանապարհների և փողոցների անբարեկարգ վիճակը</li><li>• Համայնքում մանկապարտեզի բացակայությունը</li><li>• Համայնքում արտաքին (գիշերային) լուսավորության համակարգի բացակայությունը</li><li>• Մշակույթի տան բացակայությունը</li><li>• Համայնքի համայնքապետարանի, , և դպրոցի շենքերում ջեռուցման համակարգերի բացակայությունը, դրանց գործարկման դժվարությունները ձմռան ընթացքում</li><li>• Համայնքում աղբահանության ծառայության կազմակերպման փոքր մասշտաբը և ցածր մակարդակը</li><li>• Ոռոգման ներհամայնքային համակարգի բացակայությունը</li></ul>

	<ul style="list-style-type: none"> <li>• Խոտհարքների չափաբաժնի պակաս լինելը և վարելահողերի չմշակելը</li> <li>• Միջհամայնքային հասարակական տրանսպորտի բացակայությունը՝ ապահովելու մշտական հաղորդակցություն մարզկենտրոնի, տարածաշրջանային կենտրոնի և Տաշիր քաղաքի հետ</li> <li>• Համայնքում արտադրված գյուղատնտեսական մթերքներն իրացնելու, մինչև շուկա հասցնելու բազմաբնույթ խնդիրների ու դժվարությունների առկայությունը</li> <li>• Համայնքում աշխատատեղերի խիստ պակասը, գործազրկության բարձր մակարդակը</li> <li>• Համայնքում սոցիալապես խոցելի ընտանիքների մեծ քանակը</li> <li>• Համայնքի 1 գերեզմանատանի չցանկապատված լինելը</li> <li>• Համայնքում եկեղեցու բացակայությունը, բնակչության հոգևոր կարիքների բավարարմանը չնպաստելը</li> </ul>
<i>Հնարավորություններ</i>	<i>Սպառնալիքներ</i>
<p>.Խմելու ջրի պաշարի առկայություն          .Բերրի հողերի առկայություն</p>	<p>.Գյուղ. մթերքների գների նվազում          .Գյուղատնտեսական մթերքների արտահանման դժվարություն          .Սպառման շուկաների դժվար հասանելիություն          .Տրանսպորտային հանգույցների դժվար հասանելիություն          .Խիստ կլիմա /ցրտահարություն/          .Արտագաղթ. Հիվանդությունների առաջացման վտանգ</p>

### 3 Նպատակների սահմանում և գործողությունների պլանավորում

#### 3.1 Համայնքի զարգացման տեսլականն է՝



Համայնքը դարձնել գյուղատնտեսական մթերքների արտադրության և վերամշակման տարածաշրջանային կենտրոն, բարեկարգ ու մաքուր, բնակչության համար բավարար կենսապայմաններ ունեցող և հարմարավետ ապրելակերպ վարել:

Համայնքի սահմանված տեսլականին հասնելու համար **համայնքի ռազմավարությունն է՝**

- Համայնքում անասնապահության զարգացում և անասնապահական մթերքների արտադրության ծավալների աստիճանական մեծացում՝ անասնազլիաքանակի տարեցտարի ավելացման և անհրաժեշտ քանակությամբ անասնակերի ապահովման միջոցով,
- Համայնքում կաթի , մսի հանձնման և վերամշակման արտադրամասի ստեղծում և գործարկում,
- Համայնքի սեփականություն համարվող ենթակառուցվածքների պահպանում, շահագործում, նորոգում և զարգացում,
- Ներհամայնքային ճանապարհների և փողոցների նորոգում և բարեկարգում, արտաքին լուսավորության համակարգի անցկացում, ճանապարհային նշանների տեղադրում,
- համայնքի բնակչության սոցիալ – տնտեսական պայմանների բարելավում՝ նրանց մատուցվող հանրային ծառայությունների (ջրամատակարարում և ջրահեռացում, գազամատակարարում, էլեկտրամատակարարում, աղբահանություն և սանիտարական մաքրում, տրանսպորտ և կապ, նախադպրոցական և դպրոցական հանրակրթություն, մշակույթ, առողջապահություն և սպորտ, սոցիալական պաշտպանություն և այլն) շրջանակի աստիճանական ընդլայնման և որակի անշեղ բարձրացման միջոցով,
- ՏԻՄ-երի գործունեության թափանցիկության, հրապարակայնության և հաշվետվողականության աստիճանի հետևողական բարձրացում:

**3.2 Համայնքի զարգացման 2017-21 թթ. քառամյա ծրագրի անմիջական նպատակներն են՝**

- տեղական ինքնակառավարմանը բնակիչների մասնակցության ակտիվացում և բարելավում՝ համայնքի ենթակառուցվածքների ընդլայնման և զարգացման, մասնակցության կարգի մշակման և ընդունման, մասնակցության մեթոդների և ձևերի աստիճանական զարգացման միջոցով,

- համայնքում գյուղատնտեսության (հողագործության, անասնապահության, այգեգործության, թռչնապահության,) զարգացում՝ տնամերձերի, վարելահողերի, խոտհարքների և արոտավայրերի նպատակային և արդյունավետ օգտագործման միջոցով,
- ներհամայնքային ճանապարհների և փողոցների վիճակի բարելավում և լուսավորում,
- համայնքում նախադպրոցական կրթության և դաստիարակության պայմանների ստեղծում և բարելավում (շենքային և գույքային, աշխատակարգի, երեխաների թվի ու սննդի առումներով),
- համայնքի բնակչության կենցաղային պայմանների բարելավում՝ առանձնատների գազաֆիկացման, խմելու և տեխնիկական ջրի ջրամատակարարման ներհամայնքային համակարգերի նորոգման և ընդլայնման, աղբահանության ծառայության կազմակերպման ճանապարհով,
- համայնքի բնակչությանը հանրային ծառայությունների մատուցում ամբողջ տարվա ընթացքում՝ համայնքային հիմնական ենթակառուցվածքների (համայնքապետարան, դպրոց, բուժկետ) շենքերի ջեռուցումն ապահովելու միջոցով,
- Ունենալ զարգացած և հզոր համայնք, որտեղ առկա են ձեռնարկություններ, և մարդիկ ապրում են արժանապատիվ կյանքով:
- Ապահովել համայնքի բնակավայրերի կառուցապատումը, բարեկարգումը և կանաչապատումը:
- Կոմունալ տնտեսության աշխատանքներն ապահովել, ինչպես նաև համայնքային գերեզմանատների պահպանումը, ցանկապատումը կազմակերպել,
- Համայնքի հասարակական տրանսպորտի աշխատանքը կազմակերպել, համայնքային ճանապարհային ենթակառուցվածքների պահպանումը և շահագործումը կազմակերպել:
- Աջակցել պետության պաշտպանության իրականացման հարցում:
- Համայնքում ծնելիությունը և բազմազավակությունը խթանել:
- Համայնքային հասարակական կյանքին հաշմանդամների մասնակցությունը խթանել:

# Ծրագիր 1

## Տնտեսական հարաբերություններ. քաղաքաշինություն

(Ոլորտի անվանումը)

## Համայնքում մանկապարտեզի և մշակույթի շենքի կառուցում

(Ծրագրի անվանումը)

## Արձնի համայնքապետարան

(Ծրագրի հայտը ներկայացնող կազմակերպությունը, ստորաբաժանումը կամ խումբը)

Ծրագրի ընդհանուր արժեքը՝ 30 000 000 (եռեսուն միլիոն) դրամ

### Ծրագրի հիմնավորումը

Քանի որ համայնքը չունի մանկապարտեզ(նախակրթարան) բայց համայնքում կա 39 նախադպրոցական երեխա, որոնք ունեն դրա կարիքը: Համայնքում չկա նաև մշակույթի տուն, որի պատճառով բնակչության մշակութային կյանքը, կարելի է ասել, սառեցված վիճակում է: Համայնքում անհրաժեշտ է ստեղծել մշակութային տարբեր խմբեր ու խմբակներ, կազմակերպել և անցկացնել հասարակական և մշակութային տարբեր բնույթի հանրային ծառայություններ ու միջոցառումներ:

### Ծրագրի նպատակները

Մանկապարտեզի և մշակույթի տան կառուցումը կապահովի մի քանի աշխատատեղ, երեխաները կազատվեն փողոցի ցեխ ու փոշուց և դաստիարակություն կստանան մանկապարտեզում:

### Ծրագրի խնդիրները

1. Ձեռք բերել ՀՀ Լոռու մարզպետարանի միջնորդությունը և ՀՀ կառավարության համաձայնությունը՝ ծրագիրը ներառելու ՀՀ 2017թ. պետական բյուջեի նախագծում:
2. Համայնքի կողմից պատվիրել և ստանալ համայնքային նոր մանկապարտեզի կառուցման նախագծա-նախահաշվային փաստաթղթերը:
3. Համայնքի ավագանու կողմից կայացնել որոշում հողհատկացման մասին՝ համայնքային մանկապարտեզ կառուցելու համար:
4. ՀՀ քաղաքաշինության նախարարության կողմից կազմակերպել մրցույթ՝ մանկապարտեզի կառուցման շինարարական կազմակերպությունն ընտրելու համար:
5. Վերահսկել մանկապարտեզի կառուցումը և հանձնումը համայնքի հաշվեկշռին:

### Ծրագրի ակնկալվող արդյունքները

- համայնքում կստեղծվեն և կգործեն մշակութային տարբեր խմբեր ու խմբակներ՝ երեխաների, երիտասարդների և մեծահասակների ներգրավմամբ,
- համայնքային կենտրոնում կկազմակերպվեն և կանցկացվեն հասարակական և մշակութային տարբեր բնույթի հանրային ծառայություններ ու միջոցառումներ,
- կբարձրանա համայնքի բնակչությանը հանրային ծառայությունների մատուցման մակարդակը,
- կաշխուժանա համայնքի հասարակական և մշակութային կյանքը:

## Ծրագիր 2

### Տնտեսական հարաբերություններ. Ճանապարհային տնտեսություն

(Ոլորտի անվանումը)

### Միջհամայնքային և ներհամայնքային ճանապարհների և փողոցների խճապատում և բարեկարգում

(Ծրագրի անվանումը)

### Արձնիի համայնքապետարան

(Ծրագրի հայտը ներկայացնող կազմակերպությունը, ստորաբաժանումը կամ խումբը)

Ծրագրի ընդհանուր արժեքը՝ 35 000 000 ( եռեսունհինգ միլիոն) դրամ

#### Ծրագրի հիմնավորումը

Միջհամայնքային և ներհամայնքային փողոցների և ճանապարհների ընդհանուր երկարությունը կազմում է 10.5 կմ, որից մայրուղուց մինչև գյուղ տանող ճանապարհի 3 կմ-ոց հատվածը վերանորոգվել է 2012 թվականին համայնքապետարանի կողմից՝ կատարելով հիմնականում հողային և խճապատման աշխատանքներ: Մնացած 7.5 կմ-ոց մասը կազմում են ներհամայնքային փողոցները, որոնք նույնպես կարիք ունեն լուրջ վերանորոգման ու բարեկարգման:

Համայնքում շահագործվում են 25 մարդատար և 4 բեռնատար մասնավոր ավտոմեքենաներ, որոնք մշտապես երթևեկում են ներհամայնքային անբարեկարգ փողոցներով, ժամանակի ընթացքում շարքից դուրս են գալիս և դառնում շահագործման համար ոչ պիտանի: Անբարեկարգ փողոցները ստեղծում են լրացուցիչ դժվարություններ ու անհարմարություններ նաև հետիոտների համար:

#### Ծրագրի նպատակները

Ներհամայնքային կենտրոնական փողոցները բերել բարեկարգ վիճակի՝ վերացնելով փողոցների ջրափոսերը և դրանք դարձնելով անցանելի ու հարմարավետ հետիոտների և տրանսպորտային միջոցների երթևեկության համար տարվա բոլոր եղանակներին:

#### Ծրագրի խնդիրները

1. Ներհամայնքային կենտրոնական փողոցների 7.5կմ-ոց հատվածի հողային, խճապատման և բարեկարգման աշխատանքների իրականացումը նախատեսել 2017-21թթ. ընթացքում:
2. Համայնքի 2017-21թթ. բյուջեներում նախատեսել 500.0 - հազարական դրամ գումար՝ վերանորոգելու տարեկան 7.5. կմ երկարությամբ ներհամայնքային կենտրոնական փողոցները:
3. Մինչև 2017-18թթ. յուրաքանչյուր տարվա հուլիսի 1-ը նախապատրաստել փողոցների վերանորոգման աշխատանքների նախագծա-նախահաշվային փաստաթղթերը և վարձակալել մասնավոր բեռնատար ավտոմեքենաներ՝ շինարարական աշխատանքներն իրականացնելու համար:
4. Մինչև 2017-21թթ. յուրաքանչյուր տարվա նոյեմբերի 1-ը իրականացնել և ավարտել ներհամայնքային փողոցների վերանորոգման և բարեկարգման աշխատանքները:

#### Ծրագրի ակնկալվող արդյունքները

- 2017-21թթ. ընթացքում համայնքում կվերանորոգվեն և կբարեկարգվեն ներհամայնքային կենտրոնական փողոցների 7.5 կմ երկարությամբ հատվածներ,

- այդ փողոցներում կվերանան ջրափոսերը, դրանք կդառնան անցանելի ու հարմարավետ ինչպես տրանսպորտային միջոցների, այնպես էլ հետիոտների երթևեկության համար՝ տարվա բոլոր եղանակներին:

### Ծրագիր 3

#### Տնտեսական հարաբերություններ. Ճանապարհային տնտեսություն

(Ոլորտի անվանումը)

#### Ներհամայնքային Ճանապարհների և փողոցների արտաքին լուսավորության համակարգի անցկացում

(Ծրագրի անվանումը)

#### Արձնիի համայնքապետարան

(Ծրագրի հայտը ներկայացնող կազմակերպությունը, ստորաբաժանումը կամ խումբը)

**Ծրագրի ընդհանուր արժեքը՝** 3 000 000 (երեք միլիոն )դրամ

#### Ծրագրի հիմնավորումը

Ներհամայնքային փողոցները և ճանապարհները հազեցած չեն արտաքին լուսավորության համակարգով, որը որոշակի վտանգ, անհարմարություններ ու դժվարություններ է առաջացնում հետիոտների և տրանսպորտային միջոցների համար: 2017-2021թ. ընթացքում ներհամայնքային կենտրոնական փողոցների վերանորոգումից և բարեկարգումից հետո անհրաժեշտ է դրանք վերազինել արտաքին լուսավորության համակարգով:

#### Ծրագրի նպատակները

Բարձրացնել ներհամայնքային կենտրոնական փողոցներով երթևեկության անվտանգության մակարդակը՝ դարձնելով դրանք լուսավոր, գեղեցիկ ու հարմարավետ համայնքի բնակիչների, զբոսաշրջիկների և տրանսպորտային միջոցների համար:

#### Ծրագրի խնդիրները

1. Ձեռք բերել որևէ դոնոր կազմակերպության համաձայնությունը՝ համայնքի հետ համատեղ համաֆինանսավորելու ծրագիրը (ծրագրի արժեքի համապատասխանաբար 43% և 57% համամասնությամբ):
2. Մինչև 2018թ. մայիսի 1-ը պատվիրել և պատրաստել ներհամայնքային կենտրոնական 1-ին փողոցում միակողմանի արտաքին լուսավորության համակարգի անցկացման աշխատանքների նախագծա-նախահաշվային փաստաթղթերը՝ նախատեսելով 75 մետաղյա հենասյուներ՝ 4.5 մ բարձրությամբ, 70 մմ տրամագծով, իրարից 40 մ հեռավորությամբ, յուրաքանչյուր հենասյան վրա՝ 1 լուսային սարքավորում, և էլեկտրահաղորդալարեր՝ 10 մմ հաստությամբ, 3 կմ երկարությամբ:
3. Համագործակցել և կնքել պայմանագիր Հայաստանի էլեկտրացանցերի հետ՝ տրամադրելու փողոցների արտաքին լուսավորության համակարգի անցկացման աշխատանքներն իրականացնող մասնագիտական (տեխնիկական) խումբ:
4. Ձեռք բերել արտաքին լուսավորության համակարգի հենասյուները, լուսային սարքավորումները և էլեկտրահաղորդալարերը:
5. Իրականացնել ներհամայնքային կենտրոնական 1-ին փողոցի արտաքին լուսավորության համակարգի անցկացման աշխատանքները և մինչև 2018թ. հոկտեմբերի 1-ն այն հանձնել շահագործման:

### Ծրագրի ակնկալվող արդյունքները

- 2018թ. ընթացքում ներհամայնքային կենտրոնական 1-ին փողոցում կանցկացվի արտաքին լուսավորության համակարգ՝ 3 կմ երկարությամբ,
- այդ փողոցը կդառնա լուսավոր, անվտանգ ու գեղեցիկ՝ ինչպես համայնքի բնակիչների ու տրանսպորտային միջոցների, այնպես էլ համայնքում հյուրնկալվող զբոսաշրջիկների համար,
- ձեռք կբերվի համապատասխան փորձ, որի հիման վրա հետագա տարիներին կնախատեսվեն և կիրականացվեն ներհամայնքային մնացած փողոցների արտաքին լուսավորության համակարգերի անցկացման աշխատանքները:

## 4 ՀԶԾ ֆինանսավորում

ՀԶԾ-ում ընդգրկված ծրագրերը ֆինանսավորվելու են՝

Համայնքի սեփական եկամուտներից,

Ներքին պաշտոնական դրամաշնորհներից

Արտաքին պաշտոնական դրամաշնորհներից,

Բարեգործություն/նվիրատվություններից

Այլ աղբյուրներից,

Համաձայն տեղական ինքնակառավարման բնագավառի ՀՀ օրենսդրության, ՀԶԾ-ն հանդիսանում է համայնքի գալիք չորս տարիների բյուջեների ձևավորման ծրագրային հիմքը: ՀԶԾ-ում 2019-21թթ. համար նախատեսված ոլորտային ծրագրերը, համայնքային ծառայությունները և միջոցառումները հիմք կհանդիսանան համայնքի այդ տարիների բյուջեների կազմման, ընդունման և իրականացման համար: Գործնականում, ՀԶԾ-ի իրականացումը կհանգի հիմնականում (չհաշված ֆինանսավորման այլ աղբյուրների հաշվին նախատեսված ծրագրերը, ծառայությունները և միջոցառումները) համայնքի գալիք չորս տարիների բյուջեների մշակմանը և կատարմանը: Հետևաբար, համայնքի 2019-21թթ. ՀԶԾ-ն ամբողջական ծավալով իրականացնելու հարցը մեծապես կախված կլինի համայնքի առաջիկա չորս տարիների բյուջեներում նախատեսվող մուտքերի (հատկապես՝ սեփական)

փաստացի կատարման մակարդակից, ինչպես նաև դրանց խնայողաբար ու արդյունավետ ծախսումից:

ՀԶՔԾ-ի իրականացումը շատ բանով պայմանավորված կլինի նաև այն բանից, թե համայնքի ՏԻՄ-երին ինչքանով կհաջողվի նպատակային և արդյունավետ համագործակցություն ծավալել ՀՀ պետական կառավարման համապատասխան մարմինների (հատկապես՝ ՀՀ Լոռու մարզպետարանի), ՀՀ-ում (մասնավորապես՝ ՀՀ Լոռու մարզում) գործող միջազգային և տեղական դոնոր, մասնավոր և քաղաքացիական հասարակության կազմակերպությունների, անհատ գործարարների հետ՝ համայնքային տնտեսությունում ապահովելու ՀԶՔԾ-ով պլանավորված ներդրումները և միջոցները:

ՀԶՔԾ-ում կամ տվյալ տարվա բյուջեում ներառված ծրագրերը կամ ծառայությունները պատշաճ մակարդակով իրականացնելու համար, նախատեսվում է, որ յուրաքանչյուր ծրագրի կամ ծառայության համար կսահմանվեն և կգնահատվեն դրանով նախատեսված աշխատանքների կատարման որոշակի ցուցանիշներ, որոնց միջոցով էլ մոնիթորինգի կենթարկվի և կգնահատվի տարեկան առաջընթացը ՀԶՔԾ-ով սահմանված՝ համայնքի միջնաժամկետ նպատակներին հասնելու գործում:

## 5 ՀԶԾ մոնիթորինգ

ՀԶԾ մոնիթորինգը կիրականացվի համաձայն Մոնիթորինգի անձնագրով (Հավելված 3) սահմանված ցուցանիշների և ժամանակացույցի:

## Ծ Ր Ա Գ Ր Ի Ա Ն Ձ Ն Ա Գ Ի Ր 1

### «Արձնի համայնքում մանկապարտեզի և մշակույթի շենքի կառուցում» (Ծրագրի անվանում)

Պարտադիր խնդիր, որի լուծմանն է միտված ծրագիրը	Մշակույթի և նախադպրոցական կրթության բարելավում, աշխատատեղերի ստեղծում						
Ծրագրի անմիջական նպատակ	Համայնքում կրթության բարելավում, արտագաղթի խթանում						
	Ցուցանիշներ Աճ %	Ելակետային արժեք	Թիրախային արժեքներ				
		2016	2017	2018	2019	2020	2021
	0	20	20	20	20	20	
Ծրագրի միջանկյալ արդյունքներ	<b>1 Արձնի համայնքում մանկապարտեզի և մշակույթի շենքի կառուցում</b>						
	Ցուցանիշներ Աճ %	Ելակետային արժեք	Թիրախային արժեքներ				
		2016	2017	2018	2019	2020	2021
		0	10	20	30	40	50
	<b>2 Արձնի համայնքում մանկապարտեզի և մշակույթի շենքի կառուցում</b>						
	Ցուցանիշներ	Ելակետային արժեք	Թիրախային արժեքներ				
2016		2017	2018	2019	2020	2021	
	0	10	20	30	40	50	
Ծրագրի հիմնական գործողությունները	<p>1-ին միջանկյալ արդյունքն ապահովող գործողություններ</p> <p>1.1. նախագծա-նախահաշվային փաստաթղթերի փաթեթի հաստատում</p> <p>2-րդ միջանկյալ արդյունքն ապահովող գործողություններ</p> <p>2.1. <b>մանկապարտեզի և մշակույթի շենքի կահավորումը</b></p>						
Ծրագրի բյուջեն	<p>Ընթացիկ ծախսեր՝ 5 000 000</p> <p>Կապիտալ ծախսեր՝ 30 000 000</p> <p>Ընդհանուր բյուջեն՝ 35 000 000</p>						
Ծրագրի իրականացման համար անհրաժեշտ այլ ռեսուրսներ	Աշխատուժ, մեխանիզացիա, դրամական միջոցներ						
Ծրագրի հիմնական ռիսկերը	դրամական միջոցների ձեռքբերումը						
Ծրագրի հիմնական շահառուները	Արձնի համայնքի բնակիչները						
Ծրագրի սկիզբ և ավարտ	Սկիզբ 2017թ ավարտ 2021թ						
Ծրագրի համառոտ նկարագրություն	<p>Մանկապարտեզի և մշակույթի տան կառուցումը կապահովի մի քանի աշխատատեղ, երեխաները կազատվեն փողոցի ցեխ ու փոշուց և դաստիարակություն կստանան մանկապարտեզում:</p> <p style="text-align: center;">համայնքում կստեղծվեն և կգործեն մշակութային տարբեր խմբեր ու խմբակներ՝ երեխաների, երիտասարդների և մեծահասակների</p>						



ներգրավմամբ,

**Ծ Ր Ա Գ Ր Ի Ա Ն Ձ Ն Ա Գ Ի Ր 2**

**« Միջհամայնքային և ներհամայնքային ճանապարհների և փողոցների խճապատում և բարեկարգում »**  
(Ծրագրի անվանում)

Պարտադիր խնդիր, որի լուծմանն է միտված ծրագիրը	Համայնքի հասարակական տրանսպորտի աշխատանքի և համայնքային ճանապարհային ենթակառուցվածքների պահպանում և շահագործում						
Ծրագրի անմիջական նպատակ	Համայնքի բնակիչներին բարեկարգ ճանապարհով և հասարակական տրանսպորտով ապահովում:						
	Ցուցանիշներ աճ (%)	Ելակետային արժեք	Թիրախային արժեքներ				
		2016	2017	2018	2019	2020	2021
0	20	20	20	20	20		
Ծրագրի միջանկյալ արդյունքներ	1. Բարեկարգված միջհամայնքային, ներհամայնքային և						
	Ցուցանիշներ կմ	Ելակետային արժեք	Թիրախային արժեքներ				
		2016	2017	2018	2019	2020	2021
	0	2	3	4	1.5	0	
	2. Բարելավված հասարակական տրանսպորտ						
	Ցուցանիշներ երթուղի	Ելակետային արժեք	Թիրախային արժեքներ				
2016		2017	2018	2019	2020	2021	
0	2	..3	4	1.5	0		
Ծրագրի հիմնական գործողությունները	<p>1-ին միջանկյալ արդյունքն ապահովող գործողություններ</p> <p>1.1. Կատարել միջհամայնքային ճանապարհների բարեկարգում:</p> <p>1.2. Կատարել ներհամայնքային ճանապարհների բարեկարգում:</p> <p>1.3. Հեղեղատարներ կառուցել:</p> <p>1.4. Կատարել ճանապարհների կահավորում:</p> <p>1.5. 2 կանգառի կառուցում:</p> <p>2-րդ միջանկյալ արդյունքն ապահովող գործողություններ</p> <p>2.1. Մարզպետարանի տրանսպորտի բաժնի հետ քննարկել, որպեսզի ապահովվեն գոնե 1 հասարակական տրանսպորտի երթուղային տաքսիով:</p>						
Ծրագրի բյուջեն	<p>Ընթացիկ ծախսեր՝ 5 մլն դրամ</p> <p>Կապիտալ ծախսեր՝ 30 մլն դրամ</p> <p>Ընդհանուր բյուջեն՝ 350 մլն դրամ</p>						

Ծրագրի իրականացման համար անհրաժեշտ այլ ռեսուրսներ	Աշխատուժ, մեխանիզացիա, դրամական միջոցներ
Ծրագրի հիմնական ռիսկերը	դրամական միջոցների ձեռքբերումը և բնական աղետները
Ծրագրի հիմնական շահառուները	Արձնի համայնքի բոլոր բնակիչները և հարևան 3 համայնքների բնակիչները
Ծրագրի սկիզբ և ավարտ	Սկիզբ՝ 2017թ.- Ավարտ՝ 2021թ.
Ծրագրի համառոտ նկարագրություն	Ներհամայնքային կենտրոնական փողոցները բերել բարեկարգ վիճակի՝ վերացնելով փողոցների ջրափոսերը և դրանք դարձնելով անցանելի ու հարմարավետ հետիոտների և տրանսպորտային միջոցների երթևեկության համար տարվա բոլոր եղանակներին:

### Ծ Ր Ա Գ Ր Ի Ա Ն Ձ Ն Ա Գ Ի Ր 3

**«Ներհամայնքային ճանապարհների և փողոցների արտաքին լուսավորության համակարգի անցկացում »**  
(Ծրագրի անվանում)

Պարտադիր խնդիր, որի լուծմանն է միտված ծրագիրը	Սահմանամերձ Արձնի համայնքի փողոցների լուսավորության ապահովում						
Ծրագրի անմիջական նպատակ	Համայնքի բնակիչներին բարեկարգ լուսավոր փողոցներով ապահովում:						
	Ցուցանիշներ աճ(%)	Ելակետային արժեք	Թիրախային արժեքներ				
		2016	2017	2018	2019	2020	2021
	0	20	20	20	20	20	
Ծրագրի միջանկյալ արդյունքներ	1. Բարեկարգված միջհամայնքային և ներհամայնքային ճանապարհներ						
	Ցուցանիշներ կմ	Ելակետային արժեք	Թիրախային արժեքներ				
		2016	2017	2018	2019	2020	2021
		0	1	3	3.5	0	0
	2. Բարելավված և լուսավորված փողոցներ						
	Ցուցանիշներ երթուղի	Ելակետային արժեք	Թիրախային արժեքներ				
2016		2017	2018	2019	2020	2021	
	0	1	3	3.5	0	0	
Ծրագրի հիմնական գործողությունները	1-ին միջանկյալ արդյունքն ապահովող գործողություններ 1.1. Էլեկտրահաղորդալարերի և էլեկտրոջահերի ձեռքբերում 2-րդ միջանկյալ արդյունքն ապահովող գործողություններ 2.1. Փողոցների լուսավորում						
Ծրագրի բյուջեն	Ընթացիկ ծախսեր՝ 0.3 մլն դրամ Կապիտալ ծախսեր՝ 2.7 մլն դրամ Ընդհանուր բյուջեն՝ 3 մլն դրամ						
Ծրագրի իրականացման համար անհրաժեշտ այլ	, դրամական միջոցներ և 2 աշխատակից						

ռեսուրսներ	
Ծրագրի հիմնական ոլիսկերը	դրամական միջոցների ձեռքբերումը և բնական աղետները
Ծրագրի հիմնական շահառուները	Արձնի համայնքի բոլոր բնակիչները
Ծրագրի սկիզբ և ավարտ	Սկիզբ՝ 2017թ. - Ավարտ՝ 2021թ.
Ծրագրի համառոտ նկարագրություն	Բարձրացնել ներհամայնքային կենտրոնական փողոցներով երթևեկության անվտանգության մակարդակը՝ դարձնելով դրանք լուսավոր, գեղեցիկ ու հարմարավետ համայնքի բնակիչների, զբոսաշրջիկների և տրանսպորտային միջոցների համար: